

210

3402

1059

891.71

9-36

1906

210

Յօգուտ Բաժնուհի անդամ հայ բանկորների:

№ 1

Ա. Յարութիւնեան.

ԱՋԴԱՆՂԱՆ



Վ. Գաբշինից.



2011

2003

Բաժնուհի

Տպարան Ն. Գ. Գուրսիու:

1906

891.71
4-36

Յօգուտ Բաժումի անգործ հայ բանւորների:

№ 1


891.71

4-36

Ս. Յարութիւնեան.



ԱՋԴԱՆԶԱՆ



Վ. Գալչինից.



Բաժում

Տպարան Ն. Պ. Գուրսիու:

1906

50772-4. x.



Ա.ԶԴԱՆՇԱՆ

Սիմֆոնիկանովը երկաթուղու գծի վերայ պահապանի պաշտօն էր կատարում: Նորա դիտանոցից (Будка) մինչև երկաթուղու մի կայարանը տասն և երկու վերստ էր, իսկ մինչև միւսը - տասը: Այդ դիտանոցից չորս վերստի չափ հեռավորութեան վերայ անցեալ տարի հիմնել էին թել մանելու մի մեծ գործարան, որի բարձր ծխնելոյզը անտառի յետեից սևին էր տալիս. իսկ շրջակայքում բացի մօտակայ դիտանոցներից էլ ուրիշ ոչ մի բնակութիւն չը կար:

Սիմֆոնիկանովը մի հիւանդոտ ու մաշուած մարդ էր: Իննը տարի առաջ նա եղել էր պատերազմում. սպաներից մէկի մօտ սպասաւորի պաշտօն էր վարել և ամբողջ պատերազմի ժամանակ նորա հետ էր տնցկացրել: Զատ անգամ նա քաղցած էր մնացել, և՛ ցրտից սառել փէ տացել էր, և՛ օրեկան քառասուն—յիսուն վերստ ոտով քարշ էր եկել տարուայ ամենացուրտ և ամենատաք եղանակներին: Նորան շատ անգամ վիճակուել էր նոյնպէս յաճախ գնդակների շառաչիւնի մէջ մտնել, բայց, փառք Աստուծոյ,



36872-66 g

անվնաս էր մնացել. նորան ոչ մի գնդակ չէր դիպել: Մի անգամ մեր զօրագունը կանգնած էր առաջին շարքում և մի ամբողջ շաբաթ շարունակ պատերազմում էր տաճիկների հետ: Պատուպարանի այս կողմից մեր զօրքը, իսկ միւս կողմից — տաճկացը շարունակում էին առաւօտից մինչև երեկոյ անդադար հրացանաձգութիւնը:

Այդ զօրքի մէջն էր և Սիմէօնի իշխանաւոր սպան: Ամենայն օր Սիմէօնը օրական երեք անգամ բերում էր նորա համար տաք ինքնատեղ և ճաշ հեռու խոր ձորի մէջ գտնուած զօրքի խոհանոցից: Անա նա գնում է ինքնատեղը ձեռքին բաց դաշտի միջով: Գնդակները վզովն են, զարնւում են քարերին և ճայթիւն բարձրացնում: Սարսափում է Սիմէօնը, արտասուում է, բայց և այնպէս առաջ է գնում:

Բոլոր սպանները նորանից շատ գոհ էին, որովհետև Սիմէօնի շնորհիւ նոցա համար միշտ պատրաստ էր տաք թէյը և ճաշը:

Վերջապէս ողջ, աւողջ Սիմէօնը յետ դարձաւ պատերազմի դաշտից, միայն ձեռքն ու ոտքը սկսեցին ցաւել, մի տեսակ մրմնջալ և այդ բանը քիչ նեղութիւն չը պատճառեց խեղճին: Վերագառնալով նա տուն, իւր ծերունի հօրը արդէն մեռած գտաւ: Չորս տարեկան մի տղայ ունէր — նա էլ մեռել էր բկացաւից, մնացել էր միայն կիկը. և ահա նա սկսեց կնոջ հետ միասին ճաշակել կեանքի բոլոր դառնութիւնը: Սակայն նորան չը յաջողուեց բարուքել իւր ընտանեկան դրութիւնը: Բայց նա ինչպէս ուռած ոտք ու ձեռքով աշխատէր, հողը հերկէր: Հայրենի գիւղում նորանց ապրուստի ճանապարհը բոյս-

րովին փակուած էր, ուստի գնացին օտարութեան մէջ բազմ օրոնելու:

Սիմէօնը իւր կնոջ հետ շատ տեղեր եղաւ. նա ապրեց և՛ Լինիայում և՛ Խերսոնում և՛ Դօնչիկնում, բայց ամէն տեղ բազմը նորանցից իւր երեսը դարձրեց:

Կինը մտաւ մէկի մօտ աղախին, իսկ ինքը առաջուայ պէս սկսեց թափառել: Մի անգամ նա երկաթուղիով մի տեղ էր գնում: Կայարաններից մէկում նորան թուաց թէ կայարանապետը ծանօթ մարդ է. Սիմէօնը աչքը չը դարձրեց նորանից: Կայարանապետը նոյնպէս սկսեց անդադար նայել Սիմէօնի երեսին: Նորա ճանաչեցին միմեանց: Բանից երեաց, որ կայարանապետն այն զօրագնդի սպաններիցն էր, ուր ծառայել էր Սիմէօնը:

— Դու Իվանովը չէս, — հարցրեց կայարանապետը:

— Այո՛, ձերդ ազնուութիւն, հէնց ես ինքս եմ:

— Այդ սրտեղից որտեղ:

Սիմէօնը մէկ-մէկ պատմեց բոլորը:

— Իսկ այժմ ո՞ւր ես գնում:

— Ես ինքս էլ չը գիտեմ, ձերդ ազնուութիւն:

— Ի՞նչպէս թէ ինքդ էլ չը գիտես, յիմար:

— Այո՛, ձերդ ազնուութիւն, ինքս էլ չը գիտեմ, չը գիտեմ ո՞ւր կորչեմ: — Անգործ եմ, ձերդ ազնուութիւն, գործ եմ փնտռում:

Կայարանապետը մտախոհութեամբ նայելով նորա վերայ, ասաց. — գիտես ինչ կայ, բարեկամ, գու առժամանակ մնան այս կայարանում: Կարծեմ, պատկուած ես չէ. սրտեղ է կինդ:

— Այո՛, ձերդ ազնուութիւն, պատկուած եմ և

կինս այժմ Գուրսկում մի վաճառականի մօտ աղտխին է:

— Ուրեմն գրիբ կնոջդ, որ անպատճառ գայ: Ես կ'աշխատեմ նորա համար ձրի տոմսակ ձեռք բերել: Այստեղ երկաթուղու գծի վերայ պահապանի տեղ է բացուելու, ես կը խնդրեմ ձեզ համար այդ տեղը գծի կառավարչապետից:

— Զատ շնորհակալ եմ, ձերդ ազնուութիւն, պատասխանեց Սիմէօնը:

— Սիմէօնը մնաց կայարանում: Նա աշխատում էր կայարանապետի խոհանոցում, փայտ էր կտրում, բակն ու տախտակամածն էր մաքրում: Երկու շաբաթ չը քաշեց՝ կինն էլ եկաւ և Սիմէօնը իւր կնոջ հետ միասին գնացին իւրեանց նոր բնակատեղին— գիտանոցը: Դիտանոցը նոր էր, տաք էր, իսկ փայտ— որբան կ'ուզես. բացի այդ, նախկին պահապաններից մնացել էր մի փոքրիկ բանջարանոց և կէս դեստին մշակելու հող՝ գծի երկու կողմը: Սիմէօնը շատ ուրախացաւ և սկսեց մտածել, թէ ինչպէս իւր տնտեսութիւնը կարգաւորէ. ինչպէս կով, ձի գնէ:

Սիմէօնին տուեցին հարկաւոր գործիքները՝ կանաչ ու կարմիր դրօշակներ, լապտերներ, փող, մուրճեր, բանալիներ՝ պտուտակներն ամրացնելու, լինկ, թի, ցախաւել, մեխեր և երկու գիրք, որոնց մէջ գրուած էին երկաթուղային կանոնները և գնացքների երթևեկութեան ցուցակը:

Սկզբում Սիմէօնը ամբողջ գիշերները չէր քրնում, անզավար կանոնադրութիւնը սերտում էր երկաթուղու գնացուց գեռ երկու ժամ մնացած՝ նա շրջում էր իրեն յանձնուած երկաթագծի մասը. նստում էր դիտանոցի մօտ գտնուած նրս-

տարանի վերայ և անդադար նայում ու ականջ էր դնում, թէ արգետք չեն շարժուում երկաթուղու ձողակները, արգետք չէ լուում երկաթուղու սուրցը: Վերջապէս նա ընթան սերտեց ամբողջ կանոնադրութիւնը, թէև կարգում էր վատ — վանկ-վանկ, բայց և այնպէս էլի սովորեց:

Ամառն էր, գործի թեթև ժամանակը, կարիք չը կար ձիւնը մաքրելու: Բացի այդ, թէև այդ ճանապարհով ամառ ժամանակ երթևեկու թիւնն էլ այնքան յաճախ չէր լինում, բայց և այնպէս Սիմէօնը ամբողջ օրուայ մէջ մի երկու անգամ շրջում էր իւր մասը, տեղ-տեղ փորձում էր պտուտակները ամրացնել, թափած խճերը հաւասարացնել, ջրի խողովակները աչքի անցկացնել և ապա վերադառնում էր տուն ու իւր տնային գործերով զբաղւում:

Տնտեսութեամբ պարապելիս՝ միայն նա միշտ արգելքների էր հանդիպում. ինչ որ մտածում էր անել՝ բոլորի մասին հարկադրուած էր խնդրել գծի վարպետին. իսկ նա էլ իւր կողմից պիտի յայտնէր դիտաւոր կայարանապետին և նորա իրաւունքն ստանար: Այսպէս մինչև խնդրի տեղ հասնելը և պատասխան ստանալը՝ ժամանակն էլ անցնում, գնում էր: Այս հանգամանքը Սիմէօնին և կնոջը յաճախ տխրեցնում էր:

Անցել էր երկու ամսի չափ, երբ Սիմէօնը մտածեց ծանօթանալ հարևան պահապանների հետ: Նորանց մէջ մի հին ծերունի ծառայող կար, որը հազիւ հազ կարողանում էր տնակից գուրս գալ. բոլորը մտադիր էին նորան հեռացնել: Նորա պաշտօնը կինն էր կատարում: Միւս

պահապանը, որը կայարանին աւելի մօտ էր, մի նիհար ջղապինդ երիտասարդ մարդ էր. Սիմէօնը առաջին անգամ պատահեց նորան շրջակայութեան ժամանակ՝ երկու դիտանոցների մէջ տեղը գտնուած մի տափարակ տեղում.

Սիմէօնը առաւ պիտարկը և բարևեց:

— Բարի օր, հարևան, ասաց նա:

— Աստուծոյ բարին, պատասխանեց հարևանը՝ նորա վերայ խեթ-խեթ նայելով՝ երեսը շուռ տուեց ու գնաց: Յետոյ նոցա կանաչքը միմեանց պատահեցին: Ողջունեց Սիմէօնի Արինան իւր դրացունուն, բայց նա նոյնպէս երկար խօսել չը ցանկանալով՝ հեռացաւ: Մի անգամ էլ Սիմէօնը պատահելով իւր հարևանի կնոջը, ասաց նորոն. — էդ ինչ չխօսկան մարդ ես ունեցել, քոյրիկ:

Կինը փոքր ինչ լռելուց յետոյ, պատասխանեց.

— Ախար նախնչ խօսի քեզ հետ: Ամէն մարդ իւր ցաւն ունի... էհ, գնա բանիդ, եղբայր:

Սակայն մի ամսի չափ այս կերպ շարունակուելուց յետոյ, նորա մօտիկ բարեկամացան: Յաճախ Սիմէօնն ու Վասիլը պատահում էին միմեանց, քաշոււմ էին մի կողմը, նստում, չիբուխ քաշելով՝ խօսում էին իրենց նիստ ու կացի մասին: Վասիլը մեծ մասամբ լուռ էր, իսկ Սիմէօնը շարունակ պատմում էր իւր գիւղի, իւր պատերազմը գնալու ու պատերազմում քաշած նեղութիւնների մասին:

— էհ, քիչ տառապանք չեմ քաշել ես կեանքումս, ասում էր Սիմէօնը. — գուցէ իմ կեանքի մասին Աստուած էլ տեղեկութիւն

չունենայ: էհ, եղբայր, մի մարդու որ Աստուած անբազղ ստեղծի, հէնց անբազղ էլ կ'անցնի նորա կեանքը. ում ճակատին ինչ գրել է Աստուած, այն էլ կը կատարուի: Այսպէս է, Վասիլի Ստեփանիչ, բազդի բանը:

Իսկ այս միջոցին Վասիլի Ստեփանիչը՝ չիբուխը երկաթուղու ձողակին զարկելով՝ դատարկեց և ոտքի կանգնելով՝ ասաց.

— Բազդն ու անբազղութիւնը չեն մեզ կեցեքողն ու թշուառացնողը, — այլ մարդիկ: Աշխարհիս վերայ չը կայ մարդուց աւելի պիշատիչ, աւելի շար մի գազան: Գայլը գայլին չի ուտում, բայց մարդիկ մարդոց ճնշում, ռտոււմ են:

— Զէ, եղբայր, այդ մէկը սխալ ես. գայլը գայլին կ'ուտէ:

— Ես այս ասում եմ օրինակի համար: Բայց էլի կ'ասեմ, որ մարդու նման անգութ արարած չը կայ: Եթէ չը լինէին մարդկային անգութութիւններն ու ազահութիւնը — ապրելն էլ այսպէս զժուար չէր լինիլ: Ամենքն էլ յարմար ժամանակից օգտուելով՝ աշխատում են քեզ կենդանի յափշտակել և, ինչպէս մի պատառ հաց, կուտալ:

Սիմէօնը մտածմունքի մէջ ընկաւ:

— Զը գիտեմ, եղբայր, գուցէ հէնց քո ասածի պէս է. իսկ եթէ այդ այդպէս էլ լինի, էլի Աստուածանից է:

— Դէ որ այդպէս է, նեղացած պատասխանեց Վասիլին, իմ քեզ հետ խօսելն էլ աւելորդ է: Եթէ ամէն մի անպիտանութիւն Աստուծու վերայ զցենք, իսկ մենք ինքներս հան-

գիտտ մեր տեղը նստենք ու համբերենք—էլ
ինչ մարդիկ ենք մենք. այդ նշանակումէ
ոչ թէ մարդ լինել այլ անասուն: Հասկացար:
Ահա այս է քեզ իմ վերջին խօսքը:

Եւ Վասիլին, առանց մնաս բարև ասելու,
թողեց հարևանին ու գնաց: Սիմէօնն էլ կանգ-
նեց տեղից: — «Հարևան, հարևան էլ ի՞նչու ես
նեղանում», — սկսեց յետեից կանչել Սիմէօնը:
Բայց հարևանը յետ չը նայեց, զնաց: Երկար
ժամանակ նայում էր Սիմէօնը նորա յետեից,
մինչև որ նա ծածկուեց փորած հողի բլուրների
յետևը: Վասիլին դարձաւ տուն և պատմեց կնոջը.

— Է՛հ, Արինա, մեր հարևանն էլ մի մարդ
չէ եղել: կատարեալ թոյն է:

Սակայն երկու հարևանները միմեանցից չը
խոռովեցան, կրկին անգամ միմեանց պատա-
հեցան և սկսեցին առաջուայ պէս զրուցել բոլոր
ժամանակ նոյն նիւթի վերայ:

Է՛հ, եղբայր, մարդկանց արարմունքը որ չը լի-
նէր՝ խօս մենք էլ քեզ հետ այս դիտանոցներում
ընկած չէինք լինիլ,—ասաց Վասիլին:

— Ի՛նչ պակաս են դիտանոցները..... ոչինչ,
ապրել կարելի է:

— Ապրել կարելի է, այո՛, ապրել կարելի է...

— Ախ՛, ինչ ասեմ. տեսնում եմ երկար ես ապ-
րել՝ քիչ օգտուել, շատ ես նայել՝ քիչ տեսել:
Աղքատ մարդը դիտանոցում, թէ մի այլ տեղ,
ինչ կեանք սիրտի ունենայ. ուտում են քեզ այդ
կեղեքիչները. ծծում են բոլոր հիւթդ, իսկ երբ
հասակդ աւնում ես, կամ ծերանում, դուրս են
զցում, ինչպէս մի անպէտք քուսպ, խոզերին:

— Դու սրբան ուճիկ ես ստանում:

— Է՛հ, շատ քիչ, Վասիլ Ստեփանիեչ—12
բուբլի:

— Իսկ ես տասն և երեք ու կէս: Դէ՛հ, հի-
մա աւան խնդրեմ, ինչո՞ւ ես այդքան պիտի
ստանամ: Կանոնադրութեան համաձայն՝ մենք
բոլորս էլ հաւասար պիտի ստանանք — ամսական
15 ը. ուճիկ, վառելիք և լուսաւորութիւն:
Ախար, ասան խնդրեմ, այդ ո՞վ է կարգադրել, որ
ինձ ու քեզ 12 ը. կամ 13 ը. կէս տան....
Եւ դու ասում ես՝ ապրել կարելի է: Պէտք է
իմանաս, որ այստեղ բանը մէկ բուբլի ու կէսում,
կամ երեք բուբլիում չէ. ասենք թէ հէնց բո-
լոր 15 բուբլին էլ տալիս են. բայց ինչ փող է
15 բուբլին:

— Ի՛նչպէս:

— Ա՛յ ինչպէս. անցեալ ամսին ես կայարա-
նումն էի, այդ օրը սպասում էինք ճանապարհ-
ների տեսչի գալուն. ես էլ պիտի տեսնէի և
պատիւ ունեցայ տեսնելու: Փոքր ժամանակից
յետոյ, տեսուչըրը առօք — փառօք նստած ա-
ռանձին վագոնում՝ հասաւ կայարան, դուրս եկաւ
վագոնից, կանգնեց տախտակամածի վերայ և
մի խոժոռ հայեացք ձգեց իւր շուրջը: Բայց
է՛հ, ինչ եմ երկարացնում.... միևնոյն է, ես
այստեղ երկար մնացող չեմ, կը գնամ, կը հե-
ռանամ այստեղից. կը հեռանամ, ուր Աստուած
կը յաշոզի:

— Ինչի՛, եղբայր, ո՞ւր պիտի գնաս: Ինչի՛
Աստուծու տունածից փախչում ես: Այստեղ դու
քեզ համար ունիս և տաք տուն, և՛ մշակելու հող,
կինդ էլ, փառք Աստուծոյ, աշխատաւոր կին է.....

— Հո՞ղ, մի տես այդ ասած հողդ է. այդ

ինչ հող է. այդ հող չէ այժմ, այլ չոր ու ցամաք մի անապատ: Գարնանը կաղամբ ցանեցի այդտեղ, այն էլ երկաթուղու գծի վարպետը տակահան արաւ: Եկաւ, «այդ ինչ է», — ասաց, — «ինչու առանց թոյլտուութեան ցանել ես: Պոկո տիր սյս ըոպէիս, հոտն անգամ չը լինի»: Հարբած էր, եզրայր, ուրիշ անգամ ոչինչ չէր ասիլ. բայց ա,ս անգամ արբեցողութիւնը իւր գագաթնակէտին էր հասել — կատաղած գոռաց.... «երեք ըուբլի էլ տուգանք»....

Վասիլին յանկարծ լռեց, չիբուխը դրաւ բերանը, ուժգին ծուխը ներս քաշեց ու կամացուկ ձայնով ասաց. — հէնց էնա արիւնը աչքերս էր կոխել, եթէ մի ծպտուն էլ հանէր, պիտի տեղն ու տեղը փշրէի, բայց....

— Օ՛օ, հարեան, ինչ շատ տաքարին մարդ ես եղել:

— Զէ, եզրայր, այստեղ տաքարիւնութեան բան չը կայ, ինչ ասում եմ, ուղիղն եմ ասում, ճշմարիտն եմ ասում: Դեռ թող մի սպասի այդ կարմրառեխը, կը տեսնէ թէ ինչ կ'անեմ. կարծում է, թէ իմ ձեռքից ազատուել է. — ո՛չ: Երբ որ կայարանապետին կը գանգատուեմ, այն ժամանակ նա կը տեսնի:

Եւ արդարեւ Վասիլին իւր ասածը կատարեց, — գանգատուեց:

Մի անգամ կայարանապետը պիտի անցնէր ճանապարհը դիտելու համար, որովհետեւ երեք օրից յետոյ Պետերբուրգից պիտի գային բարձրատիճան մարզիկ ճանապարհը քննելու: Մինչև նոցա գալը կայարանապետը ամէն բան կարգի գցել տուեց. փոսերը լցրին — հաւասարեց-

րին, պաստառները վերանորոգեցին, նեցուկները և պտուտակներն ամրացրին, սիւները ներկեցին. անցնելու տեղերսւմ հրամայուած էր աղիւսի դեղին աւազ շաղ տալ և այլն: Հարեան պահապանի կինն էլ իւր ծերուկին դուրս քաշեց տնակից և ստիպեց, որ ճանապարհի խոտն ու մացառները պոկոտի: Մի ամբողջ չաբաթ Սիմէօնն աշխատեց, բոլորը կարգի բերեց և իրան էլ շնորհքի գցեց. հագի բաճկոնը մաքրեց, կարկատեց. իսկ կրծքի պղնձի կտորն աղիւսով այնքան սրբեց, որ պլրպլրում էր: Անդադար աշխատում էր նոյնպէս և Վասիլին: Գայարանապետը դրեգինով էր մանգալիս ճանապարհը դիտելու: Չորս մշակ առաջ էին մղում մեքենան. մեքենան գոռայով առաջ էր թռչում, մի ժամում 20 վերստ անցնելով: Մեքենան հասաւ Սիմէօնի դիտանոցին. առաջ վագեց Սիմէօնը, գինուորականի նման հարկաւոր տեղեկութիւնները տուեց: Ամէն բան կարգին գտնուեցաւ:

— Դու վաղճեց է, որ այստեղ ես, — հարցրեց կայարանապետը:

— Մայիսի 2-ից, ձերդ աղնութիւն:

— Ձատ լաւ: Ապրիս: Իսկ 164 համարում ո՞վ է:

Ճանապարհի վարպետը (որը նոյնպէս կայարանապետի հետ էր) պատասխանեց, — Վասիլի Սպիրիդոնովն է:

— Սպիրիդոնով, Սպիրիդոնով.... — Ը՛ր՛ր՛, դա այն Սպիրիդոնովն է, որն անցաւ տարի ձեր նկատողութեան տակ էր ընկել:

— Այո, հէնց նա ինքն է:

— Լաւ, կը տեսնենք Վասիլի Սպիրիդո-

նովին էլ: — Դէ՛հ, առաջ:

Մշակները դրեզինայի կոթը պտըտեցին, և նա առաջ սլացաւ:

Սիմէօնը նայում էր դրեզինայի ետևից ու ինքն իրան մտածում. — Է՛հ, հիմա էլ հարևանիս ջանին կը չոքեն:

Երկու ժամից յետոյ նա գնաց ճանապարհը դիտելու. յանկարծ տեսնում է փոսից մէկը դուրս գալով՝ ճանապարհով գալիս է և գլխին մի ինչ-որ սպիտակ բան է երևում: Սիմէօնը աւելի ուշադրութեամբ դիտելով՝ տեսաւ, որ Վասիլին է, ձեռքին մի փայտ, կռնակին մի կապոց, երեսն էլ թաշկինակով կապած:

— Հարևան, յառաջ բարի, — կանչեց Սիմէօնը:

Վասիլին բոլորովին մօտեցաւ: Պատկերը բոլորովին փոխուած, սպիտակ, ինչպէս կաւիճ, աչքերը վայրենացած. սկսեց խօսել, — ձայնը զոգում էր:

— Գնում եմ Մոսկուա, — ասաց նա..... վարչատուն:

— Վարչատուն.... այ քեզ բան, ուրեմն գանգատ անելու ես գնում: Արի թող, Վասիլի Ստեփանիչ, — մոռացիր....

— 2է, եղբայր, երբէք չեմ կարող մոռանալ. մոռանալն էլ անկարելի է: Տեսնում ես, ցոյց տալով երեսի վէրքը՝ խփեց՝ այսպէս արնաթաթախ արաւ.... Ա՛խ, — խփելով կրծքին, բանի շունչս վերաս է՝ չեմ մոռանալ, ես այսպէս չեմ թողնիլ:

Սիմէօնը բռնելով նորա ձեռքից, — ասաց.

— Թո՛ղ, Վասիլի, ճշմարիտն եմ ասում քեզ, ոչինչ չի դուրս գալ այդ բանից:

— Ի՞նչ բան. ես ինքս գիտեմ, որ սորանից ոչինչ չի դուրս գալ, բայց, եղբայր, պէտք է բողոքել, պէտք է ճշմարտութիւնը պաշտպանելթէ՛ ոչ:

— Բայց դեռ, ասա՛, ինդրեմ, այդ ի՞նչպէս եղաւ. ի՞նչ էր պատճառը:

— Ահա՛ թէ ի՞նչ էր պատճառը: Կայարանապետն իջաւ իմ դիտանոցի մօտ, դիտեց բոլորը.. ներս մտաւ և իմ տնակը: Ես արդէն առաջուց գիտէի, որ շատ խիստ պիտի հարց ու փորձ անէր, ուստի հարկաւոր կարգապարտութիւնն արել էի: Հէնց որ ուզում էր ճանապարհ ընկնել, ես իմ գանգատով առաջ անցայ: Գանգատս լսելուն պէս՝ նա գոռաց վերաս. «Այստեղ, — ասաց նա..... Կառավարութեան կողմից ըննութիւն է, այսպէս — այնպէս, իսկ դու բանջարանոցիդ մասին ես գանգատում. այստեղ շուտով զազտնի խորհրդականներ են գալու, իսկ դու քո կադամբի ցանն ես քաշում»: Ես չը սխալուեցայ՝ մի խօսք ասացի, այն էլ ո՛չ վիրաւորական, բայց նա վիրաւորական ընդունելով՝ տուր հա՛ կը տաս՝ ուղիղ երեսիս... Իսկ ես մնացի սառած կանգնած, կարծես թէ՛ հէնց այդպէս էլ հարկաւոր էր: Նորանց գնալուց յետոյ, ես ուշքի եկայ, լուացի երեսիս արիւնը ու ճանապարհ ընկայ:

— Հապա քո դիտանոցը:

— Կինս մնաց, նա՛ ուշադիր է, կը հսկէ. է՛հ, նորանցն էլ ու նորանց ճանապարհն էլ.... Կանգնեց Վասիլին, պատրաստուեցաւ ճանապարհ ընկնելու. — ցտեսութիւն, Իվանիչ: 2ը գիտեմ, կարո՞ղ եմ գտնել վարչատունը, — թէ՛ ոչ:

— Միթէ ոտքով պիտի գնաս:

— Կայարանում կը խնդրեմ, որ ապրանքատար գնացքի վերայ նստեցնեն. կարծում եմ, վաղը Մոսկուա կը լինիմ:

Հարեանները մնաս բարե ասացին իրար: Գնաց Վասիլին և երկար ժամանակ չ'երևաց: Կինը նորա տեղ աշխատում էր, գիշեր—ցերեկ չէր քնում, հալ ու մաշ էր լինում խեղճը՝ սպասելով մարդուն: Երբորդ օրն եկան բարձրաստիճան հիւրերը երկաթուղիով, որը բաղկացած էր շոգեմեքենայից, մի ապրանքատար և առաջին կարգի երկու մարդատար վազոններից, բայց Վասիլին չը կար ու չը կար:

Չորրորդ օրը Սիմէօնը տեսաւ Վասիլիի կնոջը, որի երեսը արասուքից ուռել, աչքերը կարմրել էին:

— Վերադարձաւ ամուսինդ,—հարցրեց նա:

Կինը շարժեց ձեռքը ու ոչինչ չը պատասխանելով՝ ճանապարհ ընկաւ դէպի իւր տնակը:

Սիմէօնն երեխայութեան ժամանակից սովորել էր եղեգներից սրինգներ շինել: Հանում էր եղեգնի միջուկը, լաւ մաքրում, ուր հարկաւոր էր, ծակեր էր բաց սնում, ծայրին լեզուակ էր դնում ու այնպիսի մի կարգին բան էր շինում, որ ինչ ցանկանար մարդ կարող էր վրան նուազել: Ազատ ժամերին նա շատ սրինգներ էր շինում և ապրանքատար գնացքների վերայ ծառայող ծանօթ կոնդուկտորների միջոցաւ ուղարկում էր քաղաք ծախելու: Հատը երկու կոպէկով քաղաքում հեշտութեամբ ծախուում էր: Քննութիւնից (ревизія) երեք օր յետոյ՝ Սիմէօնը

թողեց տանը իւր կնոջը, որ երեկոյեան վեց ժամին անցնող գնացքին դիմաւորէ, իսկ ինքը դանակը առնելով՝ գնաց անտառ իւր համար սրնգացուններ կտրելու: Նա հասաւ իւր մասի վերջը, ուր ճանապարհը ուղղակի ծուռում էր դէպի անտառը: Յաժ գնալով երկաթագծից՝ սարի տակի անտառի միջով առաջ էր գնում: Կէս վերստի վերայ մի մեծ ճահիճ կար, որի մօտ բուսած էին ամենալաւ թփեր նորա սրնգացունների համար: Սիմէօնը կտրտեց մի ամբողջ խուրձ իւր ուզած սրնգացուններից և կռնակն առած՝ վերադարձաւ տուն:

Անցնում էր անտառով. արևն արդէն խոնարհուել էր դէպի արևմուտք. ամէն տեղ տիրում էր խորին լուսթիւն, միայն լուռում էին լծուչունների կամացուկ ձրլլոցը և օտների տակ կոտրտուող խաիւների ճրթճրթոցը: Սիմէօնը միքիչ էլ առաջ անցաւ և ահա երկաթագիծը: Մակայն նորան թուում էր, որ էլի մի ինչ որ ձայն է լսում, կարծես թէ մի ինչ-որ տեղ երկաթը երկաթին էին խփում: Սիմէօնը քայլերը արագացրեց: Այդ միջոցին նորա մասում նորոգելու ոչինչ չը կար: «Ի՞նչ է նշանակում այս», — մտածում էր նա: Ահա դուրս եկաւ նա անտառից. նորա առաջ բարձրանում էր երկաթուղու գառիվայրը, որի բարձրութեան վերայ նստած էր մի մարդ և ինչ-որ անում էր: Սիմէօնը սկսեց կամաց-կամաց բարձրանալ դէպի նա. նա մտածում էր. «Երեւի պտուտակները դողանալու է եկել:» Մարդը վերկացաւ իւր տեղից, Սիմէօնը տեսնում է. նա ձեռքին լինդ ունի: Ահա նա լինդը երկաթէ ձողակի տակը խրեց և աննայն

ոյժով հրեց մի կողմ: Միմէօնի աչքերը սևա-
ցան, ուղեց ձայն տալ—չը կարողացաւ: նա Վա-
սիլին էր: Միմէօնն արագ վազեց վերև, իսկ նա
լինգն ու բանալին ձեռքին դառնիվայրի միւս
կողմից գլորուելով՝ գնաց ցած: Միմէօնը սար-
սափած սկսեց կանչել:—Վասիլի Ստեփանիչ,
բարեկամս, աղաչում եմ, յետ դարձիր, բեր
լինգը, ձողակն իւր տեղը դնենք, ոչ ոք չի
իմանալ, մի՛ վախիր. յետ դարձիր, խնդրում
եմ, աղաչում եմ, մեղքի տակ մի՛ ընկնիլ:


Սակայն Վասիլին յետ անգամ չը նայեց.
ուղղակի գնաց անտառ: Միմէօնը մնաց շուարած
կանգնած տեղահան արած ձողակների մօտ:
Թուլացան նորա ձեռքերը. սրնգացունների կա-
պոցը վայր ընգաւ ձեռքից: Ըստով պիտի անց-
նէր երկաթուղու գնացքը, և այն էլ ոչ ապ-
րանքատար, այլ մարդատար: Ինչ հնարք
գործ դնէր, ինչով կանգնեցնէր նորան.
դրօշակ չը կար, ոչ էլ ձողակն իւր տեղը գցելու
հնար: Դատարկ ձեռքով խօս չէր կարելի
պտուտակներն ամրացնել:—Պէտքէ վազել,
անպատճառ պէտքէ վազել դիտնոցը, մի ուր
և է գործիք բերել: Ո՛հ, Աստուած իմ, օգնիր:

Միմէօնը վազում է դէպի դիտանոցը. նորա
շունչը կտրուում է, քիչ է մնում վայր ընկնի.
բայց էլի դուրս է վազում անտառից: Մինչև
դիտանոցը շատ քիչ էր մնացել, ընդ ամենը
հարիւր սաժէն. բայց անհա՛նա յանգարծ լսում
է դորժարանի սուլոցի ձայնը: Ուրեմն 6 ժամն
է. իսկ վեցից 2 ըոպէ անց՝ պէտք է անցնի
գնացքը: Ո՛հ, Տէր Աստուած, աղատիր անմեղներ
րի հօգին այս անբաղդութիւնից: Միմէօնի աչ-

քի առաջ պարզ ներկայանում էր դժբաղդու-
թեան սոսկալի տեսարանը ամենասարսափելի
գոյներով: Ահա՛ շողեկաւքի ձախ անիւր կաշում
է ձողակի կտորին, ցնցւում է, սկսում է ցրիւ
տալ գերանները ու ջարդ ու փշուր անել: Ահա՛
վազոնները հրկաթէ ձողակներից դուրս
գալով՝ իրար են դիպչում, տասն և մէկ սա-
ժէնաչափ բարձրութիւնից ներքև են թափում.
Իսկ վազոնների երրորդ կարգերը լցուած են
մեծ ու փոքր մարդկերանցով, ասեղ գցելու
տեղ չը կայ.... Բայց նորա այս ըոպէիս հան-
գիստ նստած, չը գիտեն թէ ինչ սարսափելի
թշուառութիւն է սպասում իրանց: Ո՛հ, Տէր
Աստուած, դու ինձ մի միտք չնորհիր, մի հնար
ցոյց տուր.... Ո՛չ, անկարելի է տնակին հաս-
նել և ժամանակին կրկին վերադառնալ. ան-
կարելի է, ո՛հ, անկարելի է....

Միմէօնը դեռ դիտանոցը չը հասած՝ շուր
եկաւ ու սկսեց աւելի ևս արագ վազել դէպի
տեղահան արած ձողակները: նա վազում էր
խելագարուածի պէս, ինքն էլ չ'իմանալով թէ
ինչ պէտք է լինի: Ահա՛ նա հասաւ տեղահան
արած հրկաթէ ձողակներին: Այնտեղ ընկած
էին սրնգացունների փայտերը: նա կռացաւ,
վերցրեց մի հատ նորանցից, ինքն էլ չ'իմանա-
լով թէ ինչու համար:

նա առաջ վազեց: նորան թւում էր, որ
արդէն գնացքը մօտենում է, հեռուից լսում է
սուլոցի ձայնը. լսում է թէ ինչպէս ձողակները
կամացուկ ու մեղմ դժժում են. էլ առաջ վա-
զելու ոյժ չը կար: նա յուսահատուած կանգնեց
սոսկալի տեղից հարիւր սաժէնաչափ հեռաւո-



ըուծեան վերայ. այստեղ յանկարծ մի միտք լոյսի պէս փայլեց նորա գլխում: Նա վերցրեց գլխարկը, հանեց նորա միջից մի չթէ թաշկինակ, կօշիկի միջից էլ դանակը հանեց, ապա խաշակներելով երեսը, «Տէր Աստուած, ողորմած եղիր թշուառիս»:

Եւ ապա դանակով խփեց իւր թևի արմունկից բարձր ամենափափուկ տեղին: Տաք արիւնը դուրս ցատկեց և սկսեց ըլլալայ թափուել: Նա թաշկինակը շաղախեց արեան մէջ, փռեց, կապեց փայտի ծայրին և իւր կարմիր դրօշակի փոխարէն առաջ պարզեց:

Սիմէօնը կանգնած է և շարժում է իւր դրօշակը: Ահա գնացքը երևաց:—Ո՛հ, եթէ յանկարծ մերենապետը չը տեսնէ ինձ, սարսափելի դեսարան.... գնացքը կը մօտենայ, իսկ հարիւր սաժէնաչափ հեռաւորութիւնից անկարելի է այդ վիթխարի գնացքը կանգնեցնել:

Սիմէօնի թևից արիւնը անդադար հոսում է ու հոսում: Նա վերքը սեղմում է կողքին, ուզում է կապել վերքի բերանը, բայց ի գուր, արիւնը չի դադարում. երևում էր, որ շատ խոր էր վիրաւորել: Գլուխը սկսում է պտտուել, աչքերը պխտորւում են, յետոյ բոյորովին մրթնում են. ականջները սարսափելի թշուառն, նա էլ չի տեսնում գնացքը, էլ չի լսում նորա ձայնը. նա մի բան է մտածում. «Ատրիս վերայ չեմ դիմանալ, վայր կ'ընկնեմ, դրօշակը կ'ընկնի գետին, գնացքը կ'անցնի մօտովս.... Ո՛հ, Աստուած, ազատիր ինձ այս փորձանքից»:

Խեղճն իսկ որ չը կարողացաւ դիմանալ ոտքի վերայ. նորա աչքերը մթնեցան, սիրտը

Նուաղեց և դրօշակը ձեռքին թուլացաւ: Սակայն արիւնաթաթախ դրօշակը չ'ընկաւ գետին. մէկի ձեռքն իսկոյն բռնեց և վեր բարձրացրեց առաջ եկող գնացքի դիմաց: Մերենայապետը նկատեց կարմիր դրօշակը, իսկոյն ծածկեց կանոնիչը (регуляторъ) և ամենայն միջոցով մեղմացրեց գնացքի ընթացքը: Գնացքը կանգ առաւ:

Մարդիկ վախեցած դուրս թափուեցան վազոններից և խառնուեցան մի տեղ, տեսնում են երկաթագծի մօտ ուշաթափ և արիւնլուայ ընկած է մի մարդ. իսկ մի ուրիշը կանգնած է նորա կողքին, արիւնաներկ փալասով փայտը ձեռքին:

Վասիլիւն մի հայեացք ձգեց խմբուած ճանապարհորդների վերայ ու գլուխը կախ գցեց:—Վապեցէք ինձ,—չչնչաց նա,—ձողակը ես տեղահան արի:



Faint, illegible text, likely bleed-through from the reverse side of the page.

Faint, illegible text, likely bleed-through from the reverse side of the page.

Faint, illegible text, likely bleed-through from the reverse side of the page.



104.

0

3402

Գինն է 10 կոպ.

2013

2013

